

# 温州會館簡史

池傳樞

温州乃通商巨埠，地偏浙南，人烟稠密，民性耐勞，梯山航海，素具壯志，初如遼東墾荒，西北採鑛，大有人在，海運開後，近如南洋英荷兩屬，遠及西歐南美，均有其足跡焉。旅星温州同鄉，始自何時，年久未遑稽考，當一九一五年時，僅有十餘人，鄉親無多，人事亦簡，初無集體之組織，閱後三載，南來者驟增至八九十人，或工、或商、或學，社會接觸亦日多，至一九二三年，陳岳書、金天放、謝壽康、周岩弟、林岩星、潘中光……等君發起，及多位鄉僑贊助，於是温州同鄉會遂產生焉，選舉金天放君為首任會長，擇小坡惹蘭勿殺一五〇號為會址，連任多年，次由陳岳書君繼之，斯時也，同鄉多操木器業，其工作約分為二部份，非在寧滬各商號工場，即在丹戎禺諸船廠，經商及任教師者，寥寥數人而已，同鄉經濟未充，會中經費亦因之拮据，數易館址，端賴當時諸職董，惨淡經營，熱心維持，嗣後，會務日臻進展，會員亦由數十人，增至數百人，原有會址，已不敷應用矣，迨後再遷址華丁路三十號，選陳靖中君為會長，由同鄉大會議決，更名温州會館，旋逢十五週年紀念，僑賢畢至，咸皆贊美，及至一九三六年，提倡購置館址，方付定洋，而陳會長因事回國，由當時副會長傅樞升任之，時值土產跌價，市面漸趨不景，同鄉捐款，鳩收殊難，然契約已簽，一月即須繳款，極當巨艱，時虞隕越，然欽慕前賢，勉力馳驅，舉家老幼，咸皆出發，更荷當時董事及建築會委員，如王叔暘、趙耀珍、陳孟對、谷理興、廖子庭、胡一郭、朱益欽、莊永明、吳祝明、葉世週、金雄臣、蕭榮昌、葉某

清、張崇木、黃方興、黃益華、林元貞、翁星姆……等君，見義勇為，奮力贊助，同鄉中觀者輩如此熱心，咸來相助，父勉其子，兄勉其弟，繳付捐款，爭先恐後，外埠同鄉，聞風響應，一月之中，款便繳足，而館屋遂告購成，誠屬喜出望外，遷住未久，日軍南侵，星洲淪陷，館務遂告停頓，三年有半，毫無進展，迨一九四五年冬，聯軍勝利後，乃復舉行選舉，樞又連任，進行裝修館宇，擴大禮堂，刷新門面，而館屋亦因之堂皇，是年僑團舉行慶祝聯軍勝利提燈會，同鄉余心疇、余壽松……等籌辦舞龍會參加，技術靈巧，備受僑胞贊許，翌年辭職，由林洪波君繼之，一九四七年再選陳岳書君為會長，深感教育之需要，乃將同鄉已創立之僑南學校，歸本會館接辦，聘戚鵬遠先生為校長，陳會長連任兩年後，復選傅樞為會長，于茲又將六年矣，念會館之設立，迄今已三十載，今同鄉僑居星洲，男女老幼，已近三十人，其遷住北馬吉礁、檳城、太平、怡保、及吉隆坡、彭亨、龍運、柔佛，等處者，還未統計，其數甚眾，在星自設木器工場者，凡六十餘家，商店，如木器業，書局，印務，皮箱業，五金業，柚木行，火鋸，藥鋪等，凡五十餘家，以今視昔，可謂盛矣。傅樞才疏德薄，殊鮮建樹，念鄉賢創業之維艱，承同鄉委託以重任，戰戰兢兢，未敢稍怠，連任多年，堅辭不獲，今年事已老，應退休而讓賢，後生可畏，誰不如我，然前事不忘，後事之師，後起同鄉，幸其勉之，茲值本會館三十週年紀念，出版特刊，爰撰本會館史略，聊實篇幅，用留紀念。